

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

9. 716
G.V.

Broj: 02-45-26099/20
Zenica, 30.12.2020.godine

STRUČNA SLUŽBA GRADSKOG VIJEĆA

PREDMET: Prijedlog, dostavlja se

Poštovani,

U prilogu ovog akta dostavljamo vam Prijedlog Odluke o ustupanju u vlasništvo opreme za smještaj Udruženjima na teritoriji Grada Zenica.

S poštovanjem,

DOSTAVLJENO:

1x Naslovu,
1x a/a.



GRADONAČELNIK

[Signature]
Fuad Kasumović

PRIJEDLOG

O D L U K E
O USTUPANJU U VLASNIŠTVO OPREME ZA SMJEŠTAJ UDRUŽENJIMA
NA TERITORIJI GRADA ZENICA

OBRADIVAČ

- **Služba kabineta Gradonačelnika**

IZVJESTILAC

- **Gradonačelnik**

Zenica, 30.12.2020. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 13. stav (2) tačka 5. i člana 35. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09), a u vezi sa članom 21. tačka 7., članom 103. i 116. Statuta Grada Zenica („Službene novine Grada Zenica“, broj: 5/15), Gradsko vijeće Zenica, na ____ sjednici, održanoj dana __. __. 2021. godine, donijelo je

O D L U K U
o ustupanju u vlasništvo opreme za smještaj udruženjima
na teritoriji Grada Zenica

I

Odobrava se ustupanje u vlasništvo 50 kompleta opreme za smještaj (kreveti, jastuci, pokrivači i drugo) udruženjima na teritoriji Grada Zenica, čija nabavka je izvršena u periodu pandemije uzrokovane koronavirusom za potrebe opremanja izolatorija, a koje potrebe su prestale postojati.

Oprema za smještaj ustupa se u vlasništvo udruženjima na teritoriji Grada Zenica, i to kako slijedi:

1. Samostalnoj službi spašavanja Grada Zenica – 5 kompleta,
2. Interventnoj spasilačkoj službi Zenica – 5 kompleta,
3. Udruženju Lovačka organizacija "Zmajevac" Zenica – 10 kompleta,
4. Udruženju boraca Vrselje – 10 kompleta ,
5. Odredu izviđača "Safet Ribić" Nemila – 5 kompleta ,
6. Planinarskom društvu "Čolan" Zenica – 5 kompleta,
7. Udruženju građana "Bagi" Hece - 5 kompleta i
8. Udruženju Lovačka kuća Kotlovac, Lokvine – 5 kompleta.

II

Oprema za smještaj iz tačke I ove Odluke ustupa se u vlasništvo, bez naknade, aktivnim Udruženjima na teritoriji Zenice, koja su u više navrata izrazila potrebe za nabavkom opreme za smještaj.

III

Za realizaciju ove Odluke zadužuje se Služba kabineta Gradonačelnika i Služba civilne zaštite.

VI

Ova Odluka stupa na snagu danom donošenja, a objavit će se u "Službenim novinama Grada Zenica".

Broj: 01- /21
Zenica, /2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

O B R A Z L O Ž E N J E

I PRAVNI OSNOV

Pravni osnov za donošenje Odluke o ustupanju u trajno vlasništvo opreme za smještaj udruženjima na teritoriji Grada Zenica sadržan je u odredbama člana 13. stav (2) tačka 5. i člana 35. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine”, broj: 49/06 I 51/09) i u odredbama člana 21. tačka 7. i člana 103. Statuta Grada Zenica („Službene novine Grada Zenica“, broj: 5/15), kojim je propisano da Gradsko vijeće u okviru svojih nadležnosti donosi odluke o upravljanju i raspolaganju imovinom Grada, kao i da Gradsko vijeće u okviru samoupravnog djelokruga, između ostalog, donosi i odluke.

II RAZLOZI DONOŠENJA

Udruženja sa teritorije Grada Zenica, navedena u tački I Odluke, u periodu 2019. godine dostavila su ovoj Službi zahtjeve i molbe za nabavku određenih vrsta opreme, između ostalih i opreme za smještaj u postojećim smještajnim jedinicima kojima upravljaju i koja koriste predmetna udruženja.

Štab civilne zaštite Grada Zenica je na osnovu svoje Odluke o opremanju hangara u “Omladinskom naselju” u Nemili, broj: 08-40-6241-20/20 od 26.03.2020. godine izvršio nabavku 50 kompleta opreme za smještaj (kreveti, jastuci, pokrivači i drugo) za opremanje i stavljanje u funkciju jednog hangara u “Omladinskom naselju” u Nemili, a u svrhu izmiještanja i izolacije osoba koje ne poštuju izdata rješenja o zabrani kretanja van prostora boravka. S obzirom da su uslovi iz Odluke Štaba prestali postojati i da ne postoji potreba za korištenjem istih, a u cilju sprječavanja propadanja ili otuđenja predmetne opreme, predlažemo da Gradsko vijeće Zenica donese odluku kojom će ustupiti u vlasništvo navedenu opremu Udruženjima, bez naknade.

III FINANSIJSKA SREDSTVA

Za realizaciju ove Odluke nisu potrebna finansijska sredstva.

IV POJAŠNJENJE SKRAĆENOG POSTUPKA

Uzimajući u obzir činjenicu da predmetna Odluka ne podrazumijeva obimnu pravnu regulaciju, to se ista shodno odredbama člana 69. stav (1) Poslovnika Gradskog vijeća („Službene novine Grada Zenica“, broj: 5/15) dostavlja na razmatranje Vijeću u formi prijedloga.

GRADONAČELNIK
Fuad Kasumović